




ÚDARÁS  
CRAOLACHÁIN  
NA hÉIREANN

BROADCASTING  
AUTHORITY  
OF IRELAND



# Ráiteas Straitéise

2021-2023



# Clár

<b>01.</b>	Réamhrá an Chathaoirligh	4
<b>02.</b>	Ráiteas Straitéise an BAI 2021-2023	6
<b>03.</b>	An Iolarthacht agus an Éagsúlacht a Chur chun Cinn	8
<b>04.</b>	Barr Feabhais agus Cuntasacht a Bhaint Amach	10
<b>05.</b>	Ceannaireacht le linn Athrú	12
<b>06.</b>	An Lucht Féachana agus Éisteachta a Threisiú	14
<b>07.</b>	An Nuálaíocht agus an Inbhuanaitheacht Earnála a Threisiú	16
<b>08.</b>	Ár dTiomantas i Leith Chearta an Duine agus Comhionannais	18

## Réamhrá an Chathaoirligh

Dúirt ginearál gaoismhear Meiriceánach tráth go bhfuil pleananna gan mhaith ach go bhfuil an phleanáil fíor-riachtanach. Bhí an Ginearál Dwight D Eisenhower, a ndearnadh an 34ú hUachtarán ar na Stáit Aontaithe ina dhiaidh sin de, ag labhairt i dtaobh ullmhucháin chun cath a chur ach tá a chomhairle oiriúnach i gcomhthéacs níos leithne.

I dtimpeallacht dhothuartha atá ag athrú go tapa, tá an tsolúbthacht agus an inoiriúnaitheacht riachtanach. Mar sin féin, tá fíis agus soiléireacht chuspóra chomh riachtanach céanna. Féachtar leis an Ráiteas Straitéise seo an chuid is fearr den dá chur chuige is fearr a cheangal dá chéile agus é ag tabhairt freagra ar na dúshláin atá ag teacht ar barr i dtimpeallacht an chraolacháin.

Ceanglaítear le halt 29 den Acht Craolacháin (2009) ar BAI ráiteas straitéise a ghlacadh ina léireofar a fheidhmeanna. Is é seo an ceathrú ráiteas straitéise dá leithéid a sheol BAI ó bunaíodh é in 2009 agus gach seans gurb é an ceann deireanach aige é, de réir mar a bheidh san am atá romhainn amach. Dála na ráiteas straitéiseach a tháinig roimhe, tá an ráiteas bunaithe ar athbhreithniú cuimsitheach a rinneadh ar éifeachtacht an phlean roimhe, ar chomhairliúchán fairsing le páirtithe leasmhara agus ar mheasúnú domhain ar an gcomhthéacs reatha, go náisiúnta agus go hidirnáisiúnta.

Is léireasc é go bhfuil athrú ó thalamh tagtha ar thírdhreach na meán le deich mbliana anuas trí athrú teicneolaíochta, trí phatrúin athraitheacha ar thomhaltas na meán, agus tríd an laghdú ar ioncam a fhaightear ó fhógraíocht. Cé gur dheacair cos a choinneáil leis na hathruithe sin ó thaobh rialáil na meán de, táimid anois ag gabháil trí idirthréimhse. Is spreagadh chun athraithe go bhfuil an Treoir athbhreithnithe maidir le Seirbhísí Meán Ciosamhairc ag AE glactha agus ar tí a trasuite i ndlí na hÉireann, treoir ar cuspóir di freagairt don aois dhigiteach agus cothrom na Féinne a chruthú idir an teilifís thraidisiúnta agus seirbhísí nua ar éileamh agus comhroinnte físeán. Déanfar forbairtí lárnacha sa tírdhreach rialála le linn thréimhse an Ráitis Straitéise seo lena n-áirítear feidhmeanna BAI a aistriú go dtí Coimisiún Meán nua ag a mbeidh cumhachtaí méadaithe faoi chomhair seirbhísí ar líne a rialáil agus ábhar díobhálach.


Is rialtóir é BAI a bhfuil meas air agus a thacaíonn le prionsabail sheanbhunaithe meán ar nós na hiolarthachta, na héagsúlachta, na trédhearcachta, rochtana, na cuntasachta, na hinbhuanaitheachta agus an riachtanais ríthábhachtaigh atá le lánas atá ábhartha ó thaobh an chultúir de. Ní dóigh linn go dtréigfear nó go maolófar na luachanna sin le linn ré nua na rialála; dearbhaítear iad uile sa Ráiteas Straitéiseach seo. Creidimid go dteastaíonn cuir chuige agus modhanna nua chun iad a chur in iúl go héifeachtach. Is é ár dtuairim go n-éascóidh trasuí an AVMSD agus athruithe gaolmhara eile sásraí rialála neamhspleácha níos éifeachtaí a chur ar bun.

Tá príomhchuspóirí agus príomhthéamaí an Ráitis Straitéisigh roimhe seo againn le feiceáil sa doiciméad nua seo ach tá téama uileghabhálach nua curtha leis againn: Ceannaireacht le Linn Athrú. I gcaitheamh na hidirthréimhse seo, is féidir an todhchaí atá romhainn a shamhlú ar roinnt cumaí éagsúla, ar lú an díobháil a bheidh ag gabháil le cuid acu ná a chéile. Tá fuilleach taithí agus saineolais ag BAI mar rialtóir. Féachfaimidne go gníomhach, agus sinn ag bain leasa as an saineolas sin, agus faoi threoir na luachanna atá aitheanta sa ráiteas seo, le próiseas an athraithe a threorú ar shlí agus i dtreo a chosnóidh agus a fheabhsóidh leas an phobail.



---

**An tOllamh Pauric Travers**  
Cathaoirleach 2014-2020



## Ráiteas Straitéise an BAI 2021-2023

Sonraítear sa Ráiteas seo **Misean, Fís, Luachanna** agus **cúig Théama Straitéiseacha** an BAI. Faoi gach ceann de na cúig théama, moltar sraith **Cuspóirí Straitéiseacha** ardleibhéal chomh maith leis na **Torthaí** beartaithe agus na **Táscairí Feidhmíochta** intomhaiste i leith gach toraidh atá beartaithe. Sainaitnítear sna Téamaí Straitéiseacha agus ina gcuspóirí gaolmhara cá háit a ndíreoidh BAI a chuid oibre agus a chuid díograise i gcaitheamh na tréimhse trí bliana atá romhainn. Foilseoidh an BAI Plean Oibre ardleibhéal trí bliana chun tacú le baint amach na gcuspóirí straitéiseacha mar atá leagtha amach sa Ráiteas seo.

Gheobhaidh an BAI aiseolas ó gheallsealbhóirí ar chur i bhfeidhm na Straitéise seo i lár 2022 agus ag deireadh 2023. Úsáidfeadh meascán de straitéisí cainníochtúla agus cáilíochtúla chun an t-aiseolas seo a fháil. Déanfar sástacht geallsealbhóirí ábhartha a thagarmharcáil i gcoinne an taighde a rinneadh in 2020 chun seachadadh an Ráiteas Straitéise 2017-2019 a mheasúnú (**BAI Strategy Statement 2017-2019 – A Review**). Beidh an t-aiseolas seo ina phríomhfhoinsé faisnéise chun dul chun cinn a mheas agus comhlánóidh sé uirlisí tomhais eile amhail athbhreithnithe leanúnacha ar phróisis inmheánacha, taighde margaidh agus lucht féachana agus éisteachta chomh maith leo siúd a shainaitnítear sna Táscairí Feidhmíochta sa Straitéis seo.



## Fís BAI

Tírdhreach na meán in Éirinn ina léirítear agus lena múnlaítear an cineál daoine atá ionainn.

## Misean BAI

Tá an Misean roinnte ina thrí eilimint faoi leith mar seo a leanas:

- i. Tionscal craolacháin is inbhuanaithe ó thaobh an airgeadais de a rialáil, a chothú agus tacú leis agus freagairt d'fhorbairtí i dtimpeallacht na meán trí chéile ar mhaithe le leas an phobail.
- ii. Iolrachas guthanna, dearcaí, ionaid meán agus foinsí a chur chun cinn i meáin na hÉireann.
- iii. Ábhar ardchaighdeáin ilghnéitheach agus atá iomchuí ó thaobh an chultúir de a chothú do lucht féachana agus éisteachta na hÉireann.

## Luachanna BAI

Seo iad na luachanna tosaíochta atá mar bhonn agus taca le cinnteoireacht agus oibríochtaí BAI agus atá ina mbunchloch dá chultúr eagraíochtúil. Táimid:

- **Inár Saineolaithe** – trí eolas a fháil dúinn féin trí rannpháirtíocht, taighde agus tiomantas don fhoghlaim ghairmiúil.
- **Cuntasach** – inár gcinntí, inár rialachas, agus inár gcuid acmhainní.
- **Solúbtha agus Oiriúnaitheach** – inár gcuid cleachtas agus bpróiseas rialála.
- **Cothrom** – inár bpróisis, inár nósanna imeachta agus inár gcinntí.
- **Neamhspleách** – oibrímid mar rialálaí neamhchlaonta.



# 01

# An Iolarthacht agus an Éagsúlacht a Chur chun Cinn

---

## Cuspóirí Straitéiseacha

---

1. Éascaíocht a dhéanamh do mheascán de ghuthanna, de thuairimí agus d'fhoinsí nuachta agus cúrsaí sna meáin fuaime agus closamhairc a fheabhsaíonn an díospóireacht dhaonlathach agus an tsaoránacht ghníomhach in Éirinn.
  2. Méadú a dhéanamh ar tháirgeadh, infhaighteacht agus suntasacht ábhair iomchuí fuaime agus closamhairc do lucht féachana agus éisteachta uile na hÉireann.
  3. Tírdhreach meán a chothú a léireoidh éagsúlacht shochaí na hÉireann agus is inrochtana ag an gcéanna.
  4. Cláir ardchaighdeán sa Ghaeilge a chothú agus a chur chun cinn.
-





## Torthaí

Tá an meascán de ghuthanna, de thuairimí agus d'fhoinsí ábhair nuachta agus cúrsaí reatha láidir agus déantar muinín san iriseoireacht a chothú agus a chaomhnú.

Tá méadú tagtha ar raon agus foinsí an ábhair fuaime agus closamhairc atá iomchuí ó thaobh an chultúir de, lena n-áirítear ábhar sa Ghaeilge, atá ar fáil don lucht féachana agus éisteachta.

Tá meáin fuaime agus closamhairc na hÉireann níos éagsúla ó thaobh a n-ábhair de, ó thaobh na ndaoine atá ag cur i láthair ar an aer agus a bhfuil baint acu lena dtáirgeadh.

Beidh ábhar ardchaighdeán as Gaeilge, lena n-áirítear nuacht agus cúrsaí reatha agus ábhar don lucht féachana agus éisteachta óg, ar fáil ar mheáin éagsúla.

## Táscairí Feidhmíochta

Déantar measúnú i dtuarascáil BAI 2021 ar an tionchar atá ag athruithe ar úinéireacht ar iolarthacht na meán in Éirinn idir 2018-2020 agus déantar tuairisciú inti ar chomhlíonadh thairseacha beartais BAI.

Is léir ó thaighde ina ndéantar próifiliú ar thomhailt nuachta agus ar leibhéal mhuiníne sa nuacht i measc an lucht féachana agus éisteachta in Éirinn go bhfuil na leibhéil sin á gcoinneáil ard bliain i ndiaidh bliana.

Léiríonn tuarascálacha measúnaithe iarmharta bliantúla Fuaim & Fís de chuid BAI méaduithe ar tháirgeadh agus ar infhaighteacht ábhar atá ábhartha ó thaobh an chultúir agus na Gaeilge do lucht féachana na hÉireann.

Forbrófar agus cuirfear amach ar bhonn trialach Creat Bailithe Sonraí Éagsúlachta ag BAI faoi dheireadh thréimhse na Straitéise d'fhonn sonraí trédhearcacha cruinne ar an éagsúlacht a sholáthar ar bhonn leanúnach.

Go mbeidh de thoradh ar thionscnaimh ag BAI faoina Phlean Gníomhaíochta um Inscne, thar thréimhse na Straitéise, go mbeidh méaduithe inchainníochtaithe ar ionadaíocht ag na mná ar an aer agus lasmuigh de.

Go mbeidh de thoradh ar thionscnaimh ag BAI faoina Phlean Gníomhaíochta na Gaeilge, thar thréimhse na Straitéise, go mbeidh méaduithe inchainníochtaithe ar na cláir Ghaeilge ar ardchaighdeán atá ar fáil.

# 02

# Barr Feabhais agus Cuntasacht a Bhaint Amach

---

## Cuspóirí Straitéiseacha

---

1. Rialáil a dhéanamh chun earnáil craolacháin fhreagrach chuntasach a bhaint amach.

---

2. Ardchaighdeáin cleachtais comhshaoil, eacnamaíoch agus shóisialta a threorú, a shamhaltú agus a chur chun cinn i gcomhréir le Spriocanna um Fhorbairt Inbhuanaithe na Náisiún Aontaithe (SFI).

---

3. Ardchaighdeáin cleachtais rialachais a léiriú agus a chur chun cinn i gcomhréir leis an gCód Cleachtais chun Comhlachtaí Stáit a Rialú (CCCSR).

---

4. Cleachtais rialála a fheabhsú chun an t-ualach rialála a laghdú.

---

## Torthaí

Is rialtóir iontaofa é BAI dar leis na páirtithe leasmhara go léir.

Léiríonn an earnáil craolacháin cuntasacht agus freagracht láidir.

Tá cleachtais agus sásraí tuairiscithe trédhearcacha bunaithe ag BAI a léiríonn rannpháirtíocht ard ag BAI le SFI na Náisiún Aontaithe.

Chuidigh BAI leis an earnáil craolacháin chun Líonra Inbhuanaitheachta a fhorbairt a léiríonn feasacht fhóna i dtaobh an chleachtais maidir le spriocanna forbartha inbhuanaithe agus rannpháirtíocht fhóna sa chéanna.

Tá cleachtais agus sásraí tuairiscithe trédhearcacha bunaithe ag BAI a léiríonn go bhfuil CCCSR comhlíonta go hard ag BAI.

Tá an rialáil comhréireach agus fónann sí do leas an phobail.

## Táscairí Feidhmíochta

Léiríonn suirbhé le linn lár na Straitéise ar na Páirtithe Leasmhara go bhfuil muinín agus iontaobh fós acu i bpróisis rialála BAI.

Rianófar agus déanfar beart leantach de réir príomhcheisteanna um chomhlíonadh a eascróidh as tuarascálacha comhlíonta bliantúla féinmheasúnúcháin ag craoltóirí chun a chinntiú go ndéanfar laghdú ar bhonn leanúnach ar shaincheisteanna comhlíonta a thiocfaidh ar barr.

Tuairisceoidh BAI in aghaidh na bliana ar a fheidhmíocht ó thaobh spriocanna atá leagtha amach ina Phlean Gníomhaíochta SFI agus ina Chreat Tuairiscithe SFI thar tréimhse na Straitéise.

Beidh méaduithe bliantúla ar chéatadán na gcráoltóirí a bheidh cláraithe le cairt an Líonra Inbhuanaitheachta Craolacháin agus a ghlacfaidh páirt sna tuarascálacha bliantúla ar inbhuanaitheacht na hearnála.

Beidh sé le feiceáil i dtuarascáil agus i bplean gníomhaíochta BAI go bhfuil Dualgas BAI i leith na hEarnála Poiblí curtha i ngníomh i gcaitheamh 2021.

Tuairisceofar i dTuarascáil Bhliantúil agus i gCuntais Iniúchta BAI gur comhlíonadh CCCSR go hiomlán.

Ráiteas BAI tréimhseach a fhoilsiú agus a athbhreithniú faoi Alt 32(4) den Acht Craolacháin 2009, agus ina dtaispeánfar na bearta a rinneadh chun an tualach riaracháin a laghdú.

# 03

# Ceannaireacht le linn Athrú

---

## Cuspóirí Straitéiseacha

---

1. Díospóireacht a threorú agus tionchar a imirt ar fhorbairt beartais maidir leis an gcreat reachtach agus rialála amach anseo do sheirbhísí meán digiteach agus craolacháin.
  2. Freagairt agus dul in oiriúint d'fhorbairtí agus cumarsáid a dhéanamh i dtaobh forbairtí, sa timpeallacht níos leithne, agus tionchair ar an eagraíocht, ar an earnáil agus ar an lucht féachana agus éisteachta a thuar agus a mheasúnu.
  3. Foireann an BAI a stiúradh, beartais, cleachtais agus próisis BAI a athbhreithniú agus a bhunathrú mar ullmhúchán dá chomhtháthú isteach sa Choimisiún Meán nua.
-



## Torthaí

D'úsáid BAI a chuid eolais agus saineolais le linn dó bheith ag comhoibriú le páirtithe leasmhara náisiúnta agus idirnáisiúnta chun an córas rialála amach anseo d'ardáin chraolta agus ar líne a fhorbairt agus chun a bheartais meán digiteach a athrú chun freastal ar riachtanais an lucht féachana, éisteachta agus an úsáideora.

Measann páirtithe leasmhara gur glór eolasach, údarásach agus ceannasach é BAI maidir le rialáil na meán de.

Tá páirtithe leasmhara BAI muiníneach go bhfaighidh siad freagraí rialála a bheidh bunaithe ar fhianaise, agus a bheidh tráthúil agus comhréireach.

Tá cultúr láidir ceannaireachta, foghlama agus feidhmíochta ag BAI mar aon le lucht saothair lúfar, spreagtha agus eolasach a thacóidh le BAI chun é a chomhtháthú go hiomlán isteach sa Choimisiún Meán nua.

## Táscairí Feidhmíochta

Beidh BAI tar éis beart a dhéanamh de réir na táscairí feidhmíochta agus spriocanna atá leagtha amach i bpleananna gníomhaíochta cumarsáide agus rannpháirtíochta páirtithe leasmhara bliantúla.

Taispeánfar i dtuarascálacha bliantúla ar thorthaí na bpríomhdhíospóireachtaí agus na bpríomhlíonraí go bhfuil rannpháirtíocht agus cion tairbhe ag BAI ó thaobh múnlú agus tionchar a imirt ar fhorbairt an bheartais meán náisiúnta agus Eorpaigh.

Daingneofar i suirbhé le linn lár na Straitéise ar pháirtithe leasmhara gur guth eolasach, údarásach agus ceannasach é BAI ó thaobh rialáil na meán de.

Taispeánfar i suirbhé le linn lár na Straitéise ar pháirtithe leasmhara go bhfuil muinín fós i bhfreagraí rialála BAI.

Sprioc a bhaint amach maidir le rannpháirtíocht ag 90% den fhoireann in oiliúint eagraíochtúil a shaináithnítear i bPlean Oiliúna Foirne an BAI 2021-2022.

Taispeánfar i suirbhéanna cuisle débhlíantúla go bhfuil rannpháirtíocht dhearfach ag foireann BAI sa phróiseas bainistíochta ar athrú.



## 04

# An Lucht Féachana agus Éisteachta a Threisiú

---

## Cuspóirí Straitéiseacha

---

1. An tuiscint, an rannpháirtíocht agus an páirteachas atá ag an bpobal i dtírdhreach na meán a fhorbairt agus litearthacht sna meáin a chur chun cinn.
  2. An pobal agus páirtithe leasmhara de chuid BAI a chur ar an eolas agus caidreamh a dhéanamh leo ar an athbhreithniú agus ar an athmheas (de réir mar is cuí) ar Chóid, Rialacha agus Beartais BAI.
-



## Torthaí

Tá baint níos mó ag an lucht féachana agus éisteachta in Éirinn le hábhar fuaimne agus closamhairc, tá níos mó eolais agus tuisceana acu ar an gcéanna agus rannpháirtíocht níos mó acu leis an gcéanna.

Tá eolas agus tuiscint níos fearr ag an bpobal ar chóid agus rialacha BAI, agus ar na luachanna atá mar bhonn leo.

Tá breis rannpháirtíochta ag an bpobal i bpróisis rialála BAI.

## Táscarí Feidhmíochta

Tógáil ar rath an fheachtais Be Media Smart trí ghníomhaíochtaí uile Litearthacht na Meán Éireann (MLI) a éascú agus rannpháirtíocht an lucht féachana agus na ngeallsealbhóirí le tionscnaimh MLI a thomhas trí raon modheolaíochtaí.

Tabhairt faoi thaighde cainníochtúil agus cáilíochtúil ar an lucht féachana agus éisteachta le linn lár thréimhse na Straitéise chun eolas agus feacht an phobail ar Chóid agus Rialacha BAI a thomhas agus a mhéadú.

Déanfaidh BAI rath modhanna nua rannpháirtíochta leis an bpobal i gcomhairliúcháin phoiblí BAI a thriail agus a thomhas thar thréimhse na Straitéise.

## 05

# An Nuálaíocht agus an Inbhuanaitheacht Earnála a Threisiú

---

## Cuspóirí Straitéiseacha

---

1. An chruthaitheacht agus an nuálaíocht a mhéadú mar ghnéithe sainiúla d'earnálacha fuaime agus closamhairc na hÉireann.
  2. Tacú le hinbhuanaitheacht airgeadais fheabhsaithe a bhaint amach d'earnálacha fuaime agus closamhairc na hÉireann.
-



## Torthaí

Tá an chruthaitheacht agus an nuálaíocht ina bhfócas do ghníomhaíochtaí tacaíochta earnála BAI (lena n-áirítear an Scéim um Maoiniú Craolacháin agus Forbairt Earnála BAI).

Tá inmharthanacht fhadtéarmach na n-earnálacha fuaime agus closamhairc in Éirinn feabhsaithe ag tionscnaimh de chuid BAI sa réimse seo.

## Táscairí Feidhmíochta

Tomhaiseann tuarascálacha bliantúla rath Scéimeanna Maoinithe BAI maidir le cruthaitheacht agus nuálaíocht in earnálacha closamhairc agus closamhairc na hÉireann a spreagadh agus a thacú.

Cuir tús le / déan páirt a ghlacadh i 5 imeacht nó gníomhaíocht ar a laghad gach bliain a bheidh dírithe ar thacaíocht a thabhairt d'inmharthanacht fheabhsaithe a bhaint amach d'earnálacha fuaime agus closamhairc na hÉireann.

60% ar a laghad de mhaoiniú bliantúil d'Fhorbairt Earnála BAI a leithdháileadh ar raon tionscnamh oiliúna agus forbartha scileanna arna n-eagrú ag na earnálacha fuaime agus closamhairc na hÉireann atá dírithe ar thacaíocht a thabhairt d'inhuanaitheacht airgeadais na n-earnálacha fuaime agus closamhairc.

## Ár dTiomantas i Leith Chearta an Duine agus Comhionannais

Foráiltear le halt 42 den Acht fá Choimisiún na hÉireann um Chearta an Duine agus Comhionannas, 2014 nach mór do chomhlachtaí poiblí, agus a ndualgais á gcomhlíonadh acu, aird a thabhairt ar an ngá leis an idirdhealú a dhíchur agus comhionannas deiseanna agus córa a chur chun cinn agus cearta an duine atá ag a chomhaltaí, a fhoireann agus na daoine dá soláthraíonn sé seirbhísí a chosaint, a chur chun cinn agus a chomhlíonadh.


Baineann cuspóirí agus feidhmeanna BAI, mar atá siad leagtha amach san Acht Craolacháin 2009, go díreach leis an gcomhionannas agus le cosaint chearta an duine amhail saoirse tuairimí a nochtadh, cosaint mionaoiseach, an inrochtaineacht agus comhionannas míchumais, an ceart chun príobháideachta, an ceart chun leighis éifeachtaigh, an ceart chun oideachais, agus an ceart chun cosaint ar idirdhealú. Dá bhrí sin tá cur chun cinn an chomhionannais, an t-idirdhealú a dhíchur agus cosaint chearta an duine i gcroílár ár gcuid oibre agus ár luachanna lena n-áirítear an chothroime, an neamhspleáchas, saineolas agus an chuntasacht. Tá BAI tiomanta do chultúr uilechuimsitheach ina bhfuil meas, dínit, comhionannas agus cothroime sa tslí a ndéanaimid teagmháil leis an bpobal, lenár bpáirtithe leasmhara agus idir ár mbaill foirne.

De réir an dualgais earnála poiblí atá orainn, agus mar ullmhúchán don Ráiteas Stratéise seo, bhunaigh BAI grúpa stiúrtha ilréimsiúil chun measúnú a dhéanamh ar na saincheisteanna a bhaineann le cearta an duine agus comhionannas is iomchuí maidir le feidhmeanna agus cuspóir BAI, agus chun tuairisciú a dhéanamh ar na réimsí oibre sonracha agus na beartais, na pleananna agus na tionscnaimh atá ar bun chun aghaidh a thabhairt ar na saincheisteanna sin. Áirítear orthu sin, mar shampla, cóid agus rialacha a fhorbairt a chosnóidh cearta an duine atá ag an lucht féachana agus éisteachta in Éirinn, imscrúdú a dhéanamh ar ghearáin an phobail faoi chóid agus rialacha den sórt sin agus a chinntiú go mbeidh rochtain ar na meáin acu seo atá faoi mhíchumas. Bíonn teagmháil dhíreach againn leis an bpobal agus lenár bpáirtithe leasmhara inár bpróisis rialála trí chumarsáidí oscailte inrochtana i scríbhinn agus ar líne. Tá an comhionannas agus cur chun cinn na héagsúlachta chun tosaigh i Scéimeanna Forbartha Earnála agus um Maoiniú ag BAI. Tacaíonn na scéimeanna sin le cur i ngníomh pleananna gníomhaíochta éagsúlachta sonracha, cuiream i gcás Plean Gníomhaíochta Inscne BAI agus an Plean Gníomhaíochta don Ghaeilge ag BAI.

Cothaíonn BAI láthair oibre a spreagann agus a thacaíonn leis an gceart chun na dinite san ionad oibre, meas agus cóireáil chothromasach don indibhidiúlacht agus don éagsúlacht. Tacaítear leis an gcultúr ionchuimsitheach sin trí bheartais agus tionscnaimh leithéidí Dínit san Ionad Oibre, Gnás Casaoide, Forbairt agus Oiluint agus an Clár um Fholláine Fostaithe againn.

Tá gealltanais tugtha sa Ráiteas Straitéise go ndéanfaidh BAI measúnú, freagairt agus tuairisciú ar na saincheisteanna seo in aghaidh na bliana agus tá ár n-oibleagáidí i leith Dhualgais na hEarnála Poiblí de dhlúth agus d'inneach i ngach ceann de na cúig théama straitéiseacha agus sna cuspóirí agus na gníomhaíochtaí a ghabhann leo. Cuirtear i gcuntas leis sa Ráiteas Straitéise athruithe ar reachtaíocht agus ar chúrsaí rialála atá á dtuar in imeacht na tréimhse trí bliana atá romhainn, lena n-áirítear an An Treoir maidir le Seirbhísí Meán Ciosamhairc a thras-suí agus an Bille um Shábháilteacht Ar-Líne agus Rialáil Meán a achtú. Pléitear sa dá pháirt reachtaíochta sin le líon leathan ceart agus saoirsí bunúsacha lena n-áirítear Saoirse Tuairimí a Nochtadh, Saoirse Smaointeoireachta, Cearta an Linbh, an Ceart chun Príobháideachta, an Ceart chun Leighis Éifeachtaigh, an Ceart chun Saor-Chomhcheangail, cearta i ndáil leis an Míchumas agus an gComhionannas agus an ceart chun Cosaint ar Idirdealú.

Go háirithe, is é is cuspóir do Théama 3 den Ráiteas Straitéise nua againn, dar teideal “Ceannaireacht le linn Athrú” a chinntiú gur féidir a lán de na prionsabail, na luachanna agus na cosaintí céanna don lucht féachana agus éisteachta agus do leanaí atá ar fáil i leith seirbhísí craolta teilifíse a leathnú amach chun go mbeidh baint acu le timpeallachtaí ar líne.









ÚDARÁS  
CRAOLACHÁIN  
NA hÉIREANN | BROADCASTING  
AUTHORITY  
OF IRELAND

## Údarás Craolacháin na hÉirean

2-5 Plás Warrington  
Baile Átha Cliath, D02XP29

 353 1 644 1200

 [info@bai.ie](mailto:info@bai.ie)

 [www.bai.ie](http://www.bai.ie)

 [@baitweets](https://twitter.com/baitweets)

Wonder Works a dhear